

ILLOQARFIUP ILAANUT PILERSAARUT

1C12-6 - Aantuukasik

Kommunimut pilersaarummut tapiliussartalik nr. 10



NUUP KOMMUNEA

TEKNIKKIMUT AVATANGIISINULLU INGERLATSIVIK
Marsi 2008



ILITSERSUUT.....	3
NASSUIAAT.....	4
Pilersaarutip siunertaa	4
Pissutsit atuuttut	6
Pilersaarutip siunertaa imarisaalu	7
Angallannermut tunngasut	10
Allagartalersuineq	11
Teknikkimik sanaartukkat	11
Pilersaarutitut allanut attuumassu-teqarnera	13
Inatsisitigut atuuffissaviit	15
Oqallisigitinnera akuersissutigineqarneralu	15
KOMMUNIMUT PILERSAARUMMUT TAPILIUSSAQ nr. 10.....	17
Nassuiaat	17
Siunertaa	17
Siunissami killiliussanik aalajangersakkat	21
AALAJANGERSAKKAT	23
AKUERSISSUTEQARNERMUT UPPERNARSAAT	30
Inaarutaasumik akuersissut	30

Ilanngussat

- Ilanngussaq 1: Pissutsit ullumikkut atuuttut, illoqarfiup ilaanut pilersaarutip killinganik kiisalu immikkoortortanut takussutissanik ilalik.
- Ilanngussaq 2: Sanaartorfiit killeqarfiillu
- Ilanngussaq 3: Pilersaarusiasmut titartagaq
- Ilanngussaq 4: Tarralerlugit ilusilersuineq.

ILITSERSUUT

Illoqarfiup ilaanut pilersaarummi nunaminertat, illut nutaat, aqqusineeqqat, aqqusernit il.il. qanoq atorneqassanersut, inissinneqassanersut aammalu immikkoortup aalajangersimasup iluani qanoq iluseqassanersut aalajangersarneqartarput.

Illoqarfiup ilaanut pilersaarut nassuiaatitaqarpoq aammalu illoqarfiup ilaanut pilersaarummut aalajangersagartaqarluni.

Nassuiaatini illoqarfiup ilaanut pilersaaruttip siunertaa anguniagaalu naatsumik oqaluttuarineqartarput, illoqarfiup ilaanut pilersaarusiortiusumi eqqaanilu pioreersut aammalu illoqarfiup ilaanut pilersaarut pilersaarutitut allanut qanoq attuumassuteqarnerisq.

Illoqarfiup ilaanut pilersaarusiortiusumi aalajangersakkat atuuttussaviupput. Takussutissiarineqartut oqaasertaasalu siunertarivaat illoqarfiup ilaanut pilersaaruttip aalajangersagartaasa nassuiarnissaat takussutissaqartinnissaallu.

Nunaminertanik atuineq pilersaarusiortierlu pillugit Inatsisartut peqqussutaat nr. 6, 19. december 1986-imeersq, kingorna allannguuteqartinneqartoq, kingullermillu allanngortinneqartoq Inatsisartut Nunaminertanik atuisarneq pilersaarusiortierlu pillugit nr. 19, 30. oktober 1992-imi, malillugu kommunalbestyrelse illoqarfiup ilaanut pilersaarusiortussaataavoq:

- *Kommunip pilersaarusiortierata piviusunngortinneqarnissaa qulakkeerniassallugu pisariaqartinneqarpat.*
- *Angisuumik illuliassaq, atortulersuutit imaluunniit nunaminertamik tunniussisarnerit aallartinneqartinnagit.*

Illoqarfiup ilaanut pilersaarusiortussaataanermit siunertaavoq pilersaarusiortiermit annertunerisumik ataqtigiiissaarisqaarnissaa aammalu innuttaasut tamatumani peqataatinneqarnissaat anguniassallugu.

Taamaattumik illoqarfiup ilaanut pilersaarut sivikinnerpaamik sap. akunnerini arfinilinni tamanut saqqummiunneqassaaq. Taamaalereerpat kommunalbestyrelsip akerliliissutaasinnaasut allannguutissatullu siunnersuutaasinnaasut naliliiffigissavai, pilersaarut inaarutaasumik akuersissutigineqartinnagu.

Illoqarfiup ilaanut pilersaaruttip inatsisitigut atuuffii illoqarfiup ilaanut pilersaarummi erseqqissumik allaaserineqarput.



Fig. 1
Imanerup aqqusernga narlusooq,
Aqqusersuatoqqamt, kujataata tungaani Jagtvej-
imiit avannamut Katuap tungaanut, illorsuarnik
portusuunik takussutissartalik.

NASSUIAAT

Matumuuna Illoqarfiup ilaanut pilersaarut 1C12-6, Aantuukasik, Kommunimut pilersaarummut tapiliussartalik nr. 10-mik inaarutaasumik akuerisatut saqqummiunneqarpoq.

Pilersaarutip siunertaa

Januar 2001-imi Kommunalbestyrelsip Nuup Qeqqanut pilersaarut, narlortumik Imaneq aqqusaarlugu Namminersornerullutik Oqartussat allaffeqarfianiit Nuukullammi Jagtvej ilanngullugu aqqummik attaveqassasoq, akuersissutigaa. Takujuk fig. 1.

Kingorna 2006-imi, Kommunalbestyrelsip Illoqarfiup ilaanut pilersaarut 1C8-5, Nuup illoqarfiata qeqqa, akuersissutigaa. Taamaallilluni illoqarfimmi pisinnaat aqquataasa Imanermi Naapittarfimmilu, aqquserngup narlusuup ilaaniittumi avatangiisit, niuertarfiillu tassaniittut annertusarnissaannut, Nuummilu niuernerup annertusarsinnaanissaanut periarfissaqartinneqarnissaat qulakkeerniarneqarluni.

Pilersaarutitut taakkununga aamma Kommunimut Pilersaarut 2005 – 2014-mut napertuuppoq, Kommunalbestyrelsip kissaatigimmagu nutaamik illoqarfiup qeqqani qitiusumik niuerfimmik, Centerimik, tassungalu atasumik inissialiortitertoqarsinnaanissaa.

Illoqarfiup ilaanut pilersaarut una ammaassivoq, nutaamik Nuup qeqqani niuertarfeqarfeqalernissamut pisinnaarnut aqqusinilimmik, aammalu qulisap iluani niuernarsinnaalernissamut. Uani Illoqarfiup ilaanut pilersaarummi siunnersuutigineqarpoq, piorsarsimassutsikkut illorsuup Katuap-p avannaata tungaani qulisamik qitiusumik illorsualiortoqarsinnaanera. Takujuk fig. 3, qupperneq 6-imi.

Illoqarfiup ilaanut pilersaarutip Imanerup aqquserngata erseqqarinnerusunngortinnissaa, illorsuit portusuut sinaaqqutigalugit, periarfississavaa. Pilersaarummi siunnersuutigineqarpoq, pilersaarummut naggasiutitut, illumik portusuumik ineqarfiusussamik sanasoqarnissaa, soorlu portussutsimigut Namminersornerullutik Oqartussat allaffeqarfianiit Hotel Nuuk-mut, Qullilerfimmut Jagtvej-milu illorsuarnut marluusunut napertuuttussamik. Takujuk fig. 1, 2 aamma 3.



Center

Fig. 2, Imanerup agquserngata narlusuup portusuunik illorsuutai, centerimiit Qullilerfikmiut Hans Egede-llu Oqaluffianut.




Fig. 3

Nuup qeqqani pisuinnaat aqqaasa ilusaat


Siusinnerusukkut pilersaarut

Kommunimi pilersaarutip killiliussartaani, Kommunimi pilersaarut 2005-2014-imoortumi ajornartinneqanngilaq piffimmi tassani portusuunik illorsualiortoqarsinnaanera amerlanerpaamik 9-nik quleriilimmik annerpaamillu 35 miiterinik portussuseqartussamik, immikkoortullu sinnerani quleriinnik pingasunik amerlanerunngitsunik sanasoqarsinnaalluni.

Siunnersuummik matumani siunnersuutigineqarpoq illorsuup portussusaa quleriinnut 11-nut qaffanneqassasoq, annerpaamillu 39 miiterinut. Tamatuma qulakkiissavaa illorsualiap, Imanerup agquserngata narlusuup aallartiffiani, isikkumini aminnerullunilu erseqqarinnerunissaa.

Illorsualiassap portussusissaata qaffanneqarnerata kommunimut pilersaarutip tapiliussartalernissaa pisariaqartilerpaa.

Illoqarfiup ilaanut pilersaarutip uuma nutaap pilersaarutini 1C12-1 aamma 1C12-2-mi sumiiffiit eqqartorneqartut akornanni attuumassuteqartut atorunnaarsissavai.



Pissutsit atuuttut

Illoqarfiup ilaanut pilersaarutip killilersorneqarnera Nunaminertaq Illoqarfiup ilaanut pilersaarummiittoq killeqarfeqarpoq avannamut H.J.Rinksvej-mi, kimmuk Narsarsuarmi Blok 1-imut, kujammuk Kuussuarmut kimmullu Namminersornerullutik Oqartussat allaffeqarfiannut, soorlu fig. 4-mi aamma ilanngussami 1-mi takuneqarsinnaasoq. Taamaalilluni Namminersornerullutik Oqartussat allaffeqarfiat, Imanerup avannaata tungaata ilaa aammalu Katuaq Illoqarfiup ilaanut pilersaarummut ilaapput.

Illoqarfiup ilaanut pilersaarut 2,7 ha. missaani annertussuseqarpoq.

Pissutsit atuuttut

Illoqarfiup ilaanut pilersaarutip iluaniippuk sanaartukkat makkuusut, Katuaq, illut mikinerumaat niuertarfittut atorneqartut ammalu upperisarsiortut illutaat. Taakku saniatigut nunaminertamiippuk Namminersornerullutik oqartussat savaniittoq illoqannginnerisak Imanerullu ilaa H.J. Rinksvej-p Kuussuullu akornaniittoq. Kommunimi pilersaarummi periarfissiisoqarpoq illut minnerit ingitsernissaannut, siunertarinnerusumik illoqarfiup ineriartornissaa periarfissinniarlugu, kiisalu takujuminarnerusumik illoqarfiup Sissiukkallu, H.J. Rinkvej atuarlugu, akornanni ataqatigiissitsinissak anguniarlugu.





Fig. 4
Illoqarfiup ilaanut pilersaarut atuuttumi killeqarfiit aamma immikkoortortat killeqarfii aappalaartumik nalunaaqutsikkat.



Figur 5
Sanaassap saqqaa Imanermut sammissaaq,
Katuap saqqaata maligaasat aalarngisut
pissuseqassalluni portoqatigissallugulu.



Katuap ullumikkut

Pilersaarutip siunertaa imarisaalu

Illoqarfiup ilaanut pilersaarut imaqarpoq illuliassat pissusissaannut aalajangersakkanik aammalu nunaminertat illuliorfissat siunissami sinaakkusikkamik aalajangersaavigineqarnerinik, taamalu angallannermut attuumassutilimmik sanaartugassaasoorlu aqquserngit nutaat biilinullu uningavissiat pisariaqartinneqartut.

Illoqarfiup ilaanut pilersaarutip aggulunneqarnera

Illoqarfiup ilaanut pilersaarut Illoqarfiup ilaanut pilersaarutip tamakkiisup ilaanut atavoq, immikkoortunut sisamanut A, B, C aamma D-mut aamma immikkoortunut allanut agguarneqarluni, soorlu fig. 4-mi aamma ilanngussami 1-mi takutinneqartoq.

Immikkoortoq A tamanut atorneqarsinnaasutut inniminnigaavoq, ilaatigut centerimut inissialiortiternissamullu. Immikkoortumi A-mi sanaartorfissap annerusup A-mik taaguutilik ataani agguataarineqarpoq A1-A2-mik taaguusikkamik, aammalu Imanerup ilaa, takuuk ilanngussaq 2.

Immikkoortumi B-miipput kulturikkut illorsuaq Katuap, Imanerullu ilaa, Katuap alliffissaanut inniminnigaavoq aamma Katuap centerertaassamut atanilersinnaaneranut sanaartorfissiaq.

Immikkoortumi C-miipput nunaminertaq Imanerup, Kanukoka-p Namminersornerullutillu Oqartussat allaffeqarfiata akornaniittoq.

Immikkoortumi D-miippoq nunaminertaq Namminersornerullutik Oqartussat allaffeqarfiata saavaniittoq.

Taakkua saniatigut pisuinnaat aqqutaanut aammalu angallassissutitut allanut ingerlaviusinnaasunik aammalu biilinit uninngavissiamut Z-mik taaguusikkamut killilikkamillu immikkoortitsisoqarluni.

Siunertaa imaalu

Illoqarfiup ilaanut pilersaarutip uumap siunertaraa ataatsimoortumik qitiusumillu (center) qulisamillu niuertafeqarfiliortoqarnissaa, kiisalu portusuumik illorsuartalimmik inissiatut atorneqartussamik sanasoqarsinnaanerani periarfissiisoqarnissaa.

Takujuk fig. 6.

Illut ullumikkut piusut ingitserneqassapput Katuap kisimi pinnani, taannalu illoqarfiup immikkoortuani tassani siunissami sanaartornissani pingaarnerusutut toqqammavissiuusuaq.

Illoqarfiup ilaanut pilersaarutip siunertaanut aamma ilaavoq Imanerup aqquserngata narlusuup erseqqarinnerusunngornissaa. Illoqarfiup ilaanut pilersaarutip Katuap saavaniit Namminersorne-rullutik Oqartussallu akornanni pisinnaat aqqaata avatangiisai ataqatigiissunngortissavai. Taanna isumaqarpoq Katuap saavani centerissallu pisinnaat aqquteqarfissaatigut biilini angallanneq biilinillu uninngavissiat pilersaarutip immikkoortaanut Z-mut nuunneqarnissaa. Takujuk ilanngusaaq 2.

Imaneq atuarlugu nunaminertanik pisinnaarlugu silami niuerfittut, uninngaartarfittut, issiaartarfinnik, aqqusinermi qulliliinissamut kiisalu akunniffigalugit silami issiaatigaluni sassaalluteqarfiusussatut atorsinnaasunik immikkoortitsisoqassaaq. Pisinnaat aqqaattut inniminnikkani illunik sanaartortoqarsinnaanngilaq.

Sanaassap nutaap Katuap ilusilersugaanermigut kusanassutsimigullu nalitunera kiisalu illoqarfimmi pingaarutilittut qitiusumik inissisimarnga sutigut tamatigut eriagissavaa. Aammattaaq Imanerup, oqaluttuarisaanermi Sissiukkamiit Umiarsualivimmut attaviusutut inissisimarnga eriagineqassaaq. Taamaattumik sanaassap nutaap saqqaa Imanermut sammiveqassaaq, Katuallu saqqaata maligaasat aalarngisut pissuseqassalluni taassumalu portoqataanik portussusilimmik sananeqassalluni. Takujuk fig. 5.



Norgip avannaani pisinnaat aqqaata ujaqqanik qalliqaq.




Fig. 6 Katuap centerillu saqqaasa ilusaannik takussutissiaq



Figur 7

Illorsuup portusuup tallimanik inissiartallip 2-4-nik initalinnik assersuutiginer..

Centerissaq sananeqassaaq marlunnik ataatsimut 13 miiterinik quleriinngorlugu.

Portusuumik illuliassami katillugit quleriit 11-ussapput, taakkunanga inissiat quleriit 9-ussallutik, centerillu qulaaniissallutik, annerpaamillu 39 miiterinik portussuseqassalluni. Portusuumik illuliassaq ima iluseqartinneqassaaq inissiat tamarmik seqinermut annerpaamik saqqumisuussallutik kiisalu isikkivigissuussallutik. Kangerlummumut isikkivik ammasuutinniarlugu, sanaassaq H.J. Rinksvej-imut ungalliutillugu inissinneqassaaq.

Centerissap iigaasa qalliutaa Imanermut sammisoq allermi akimut ersiinnartuussaaq, qullermilu qisunnik assigissaannilluunnit oqitsunik qalliuteqassalluni. Portusuumik illorsualiassaq centerilu qaamasunik qalipaatilinnik qallersorneqassapput.

Pisiniarfiit Imanermut sammisut nittarsaassiviusinnaasunik igalaaqassapput, taamalilluni aqqusinernut qaamanermik tunisisinnaanissaat anguniarlugu. Centerip saavani illoqannginneq katerisimaartarfittut atorineqassaaq, tassani niuerfiusinnaasunik ivertitsisoqarsinnaassalluni, loppemarkedeqarsinnaassalluni, takutitsisoqarsinnaassalluni, illoqarfimmilu nalliuttorsiualaarnernut atorineqarsinnaassalluni. Centerip qulaani inissianik inissiinnikkut inissiat unnunnerani eqqaminnut qaamanermik tunisinerisigut tamanna aarleqquteqarani angalaarfiusinnaanngortissavaa. Centerimi kikkulluunniit angalaarfigisinnaasaanni pitsorluttunut assakaasulinnillu qamutilinnut atortorissaasersuisoqassaaq.

Portusuumik illuliassaq ineqarfissatut takorloorneqarpoq, inissinneqassallunilu sanaartorfissami A2-mi, Illoqarfiup ilaanut pilersaarutip avannamut kimmumut teqeqquani, ilisarnaataassalluni Imanerup oqaluttuassartaqartup aqquserngata narlusuup aallartiffiatut. Inissisimaffiup taassuma inissiat kangerlummumut timmullu isikkivigissuunissaat qularnaassavaa.



Eksempel på afskærmning af
parkeringsareal ved Rådhuset i Nuuk.

Inissiat 2-4 initallit 40-it missaannittut sananeqarsinnaapput, qullerpaamilu inissiat anginerit 2-3 inissinneqarsinnaallutik.

Inissiarsuup quleriivisa allersaat centerimut attumassutilinnut, allaffeqarfinnut, sulisunut attuumassutilinnut ininut, inissianut mikinerusunut assigisaannulluunnit atorneqarsinnaavoq.

Angallannermut tunngasut

Biilinit aqqusineq uningavissanullu pissutsit
Kuussuup H.J. Rinksvej-illu akornanni, centerip Katuallu tunuanni biilinit aqqusiortoqarlunilu uningasarfiliortoqassaaq. Nunaminertap taassuma Z-imik taagusikkap Centerimi Katuamilu susassaqtartut biiliinik uningavississavai.

Nunaminertami Z-imi biilit 100 miss., Centerip Katuallu tunuanni, uningasinnaassapput, H.J. Rinksvej-imilu suli uningavissanik 30-inik pilersitsisoqassaaq.

Uningavissat allat pisariaqartinneqtartut, Centerimut inissianullu attuumassuteqartussat, Centerip naqqani uningasarfiliuunneqassapput.

Centerimut nioqqutissanik pilersuineq Centerip naqqani ataatsimoorussamik tunniussisarfiornikkut ingerlanneqassaaq, H.J. Rinksvej-ip tungaaniit tikinneqartartussamik.

H.J. Rinksvej sinerlugu nunaminertaq isikkivittut atorneqassaaq. H.J. Rinksvej-ip sinaani biilinit uninngavissiaq assersuuserneqassaaq ujaqqanik qammakkamik ilaatigut naasortalimmik, minnerpaamik 1 miiterimik portussusilimmik. Assersuusaaq Nuup Kommuneanik akuerineqassaaq.

Imaneq

Imaneq Kuussuup H.J. Rinksvej-illu akornaniittoq assigiissakkamik ilusilersorneqassaaq Nuup Kommunea suleqatigalugu. Imaneq qallersorneqassaaq, qullilersorneqassaaq pequsersorneqarlunilu tamakkiisumik assigiissakkamik, Namminersornerullutik Oqartussat allaffeqarfiat, Katuaq aamma Centerip inissialiassallu eqqai eqqarsaatigalugit. Siunissami Imaneq biilerfiujunnaarlunilu biilinit uningaffiusinnaajunnaassaaq. Tamatuma kingorna Imaneq H.J. Rinksvej-ip Kuussuullu akornaniittoq illoqannginnersanngussaaq, pisuinnarnut aqqusininnorlunilu, illoqarfiup ilaanut pilersaarutit immikkoortortaa G.

Imanerup pisuinnarnut aqqusininnortinneranut aningaasartuutit immikkoortuni sumiiffinni sanaartortumut akiligassanngortinneqassaaq.




Fig. 8
Katuamut centeritaamullu angallaffiit
pulariarfissallu.

Centerimut inissianullu pulaffissiat

Centerimut pulaffissiat pingaarnert inissinneqassapput Katuap eqqaatigut, avannaata tungaaniit H.J. Rinksvej-imi Namminersornerullutik Oqartussat tungaaniit biilinullu uninngavissiap kangiata tungaaniit.

Qulereeqarfiusut aappaanut isaarissat aqqusernut naanerisigut pisassaaq, "niuerfeqarfiusussat" nalaaniit. Taamaalilluni quleriit taakku aappaaniit aappaanut ataannartumik ingerlasoqarsinnaassalluni. Ineqarfiusussamut iseriarfissatut pilersaarutigineqarpoq centerimiit, H.J. Rinksvej-imi pulaffissiamiit aamma centerip naqqani biilnut uningasarfiliamiit.



Allagartalersuineq

Illoqarfiup qeqqata pilersaarusiorneqarnerani aalajangerneqarpoq allagartalersuineq killeqartinneqassasoq, allagartaliinerillu pisiniarfiit saqqaannut naleqquttumik pisassasut, silataatigullu allagartaliinernut maleruagassaq malinneqartassasoq.

Teknikkimik sanaartukkat

Kuuffiit, imermik innaallagamillu pilersuiviit teknikkikkut sanaartukkat nunap iluatigoortinneqassapput.

Pissutsit atuuttut pisariaqartinngippassuk qulaani taaneqartut nunataa sanaartorfigineqassanngilaq. Tamakkuninnga allanngortiterisoqartariaqassappat tamanna piginnittumut aningaasartuutaassanngilaq, piginnittullu maleruagassiai malinneqassapput.

Kiassarneq:

Sanaartugassaq pineqartoq innaallagiatortumik aalajangersimasumik kiassarneqassaaq. Allamik avataangiisinut innarliinngitsunik aallaavilimmik kiassarneq, soorlu seqernup nunalluunniit kissarneranik atuilluni pilersuineq pisinnaavoq.

Imeq:

Sanaartugassaq tamanut imermik pilersuivimmit imermik pilersorneqassaaq.

Imikoq:

Imikoq kuuffimmut tamanit atorneqartumut ingerlatinneqassaaq. Sanaartukkat nutaat kuuffimmut tamanit atorneqartumut attavilernerneqassaaq. Imeq nunakkut kuuttoq illullu qalianiit kuuttoq kuuffimmut aqquuserneqassanngilaq sanaartukanulli, aqqusinernut, aqqusineeqqanut, nunaminertanut sanaartorfiunngitsunut assigisaannullu illoqarfiup ilaanut pilersaarusiortfigisami ajoqutaajunnaarlugu aqquuserneqassalluni – soorlu kussinernut kuuttussanngortillugu.

Eqqagassat:

Nuummi sapinngisarput tamakkerlugu avatangiisivut paarilluarusuppavut. Taamaammatt siunissami eqqagassat avatangiisitsinnik innarliisinnaasut immikkoortitertassavagut eqqagassallu allat annikinnerpaaffissaaniitillugit. Eqqagassat isumagineqarnerini aningaasartuutit killilersorniarlugit eqqagassat eqqortumik immikkoortiterneqartariaqarput kingornalu eqqortumik pineqartariaqarlutik. Immikkoortiterineq igitsumi pissaaq, tassaavoq atuisumi. Eqqagassanik immikkoortitserineq igitassanillu eqqaaneq oqilisarneqarpata inuit amerlanerusut eqqortumik iliortalissapput. Tamatumani immikkoortitseriviit inissianut qanittumik inissitat atuisut kommunillu akornanni suleqatigiinnermut pingaaruteqarput.

Taamaattumik Nuuk Kommuneata eqqagassanut maleruagassiai naapertorlugit eqqagassanik pisariaqartumik katersuinissanut

immikkoortiterinissanullu inissiivissanik
qulakkeerisariaqarpugut.

Eqqagassanik immikkoortiteriviit atuisunut
tikikkuminartuussapput, pisariitsumillu atuisut
ingerlaartarfiinut naleqquttunut inissinneqassallutik.
Immikkoortitseriviit minnerpaamik makkuninnga
tigusisinnaassapput:

- Perlukut nalinginnaasut
- Igitat avatangiisitsinnik innarliisinnaasut
(batteriit, qalipaait, akuutissat, spraydâsit
il.il.)
- Igitassat anginerit (ikuallanneqarsinnaasut,
ikuallanneqartussaangitsut, igitassat
elektronikit, errorsiviit il.il.)

Eqqagassanik immikkoortitseriviit ima
inissinneqassapput akornuteqanngitsumik
inissiivigineqarsinnaallutik
aallerfigineqarsinnaallutillu. Eqqagassanik
immikkoortitseriviit taakkununngalu aqqusernit
aputaajarneqartassapput tikinneqarsinnaajuartillugit.
Immikkoortitseriviit sanaartukkat iluaniissinnaaneri
siunnersuutigineqassaaq, taamaattorli aamma
immikkut allami matoqqasumi
inissinneqarsinnaapput.

Isaterineq atortullu ataatsimoorussat:

Illoqarfiup ilaani pineqartumi sanaartornermi
ingerlatsisut illunillu piginnittut illut tamaaniittut
piiarnissaat nammineerlutik isumagissavaat
akilerlugulu, ilanngullugulu ledninginik pioreersunik
allanngortiterisariaqarsinnaaneq nutaanilluunniit
inissiinissaq nammineq aningaasartuutigissavaat.
Illoqarfiup ilaani pineqartumi illut silataannik
kusassaanissaq, biilnut uninngasarfiliornissaq, zone
Z-imi Imanikkullu biilit aqqutissaannik
pilersitsiortorneq sanaartornermi isumaginnittut
akilissavaat. Pilersaarusiornera
piviusunngortinnissaalu Nuup Kommunea
suleqatigalugu ingerlanneqassaaq.

Pilersaarutitut allanut attuumassu- teqarnera

Kommunimut pilersaarut

Illoqarfiup ilaanut pilersaarut Kommunip 2005-
2014-imut pilersaarutaanut sanaartugassat
portussusai pillugit naleqqutinngilaq. Taamaattumik
illoqarfiup ilaanut pilersaarut Kommunimut
pilersaarummut tapiliussamik nr. 10-mik, illoqarfiup

ilaanik 1C12-6, Aqutsisoqarfik-imik,
ilaqartinneqarpoq. Tapiliusseq aqqutigalugu
illoqarfiup ilaanut pilersaarummi aamma
kommunimmut pilersaarummut tapiliussami
anguniarneqartut periarfissaalissapput.

*Illoqarfiup ilaanut pilersaarutini atuuttunik
atorunnaarsitsineq*

Illoqarfiup ilaanut pilersaarut pineqartoq ilaatigut
ukuninnga illoqarfiup ilaanut pilersaarutini
attuivoq: 1C12-1 Namminersornerullutik Oqartussat
allinera aamma 1C12-2 Namminersornerullutik
Oqartussat allaffeqarfiata Rådhusillu akornanni
pilersaarut. Fig. 9 takuuk.

Illoqarfiup ilaanut pilersaarut 1C12-6 Aantuukasik-
up inaarutaasumik akuerineqarnerani avammullu
nalunaarutigineqarnerani illoqarfiup ilaanut
pilersaarutini qulaani taaneqartuni illoqarfiup ilaanut
pilersaarut 1C12-6 Aantuukasik-imut
attuumassuteqartut atorunnaarsinneqarput.
Illoqarfiup ilaanut pilersaarut pineqartup
siunissami ineriartortinneqarnissaa aqussavaa.
Taamaammat pilersaarummi aalajangersakkat
aatsaat allanngortoqaraangat atuutilertassapput.
Inatsisit atuuttut malillugit atorneqartut pissutsit
maannamut atuuttut najoqqutaralugit
atorneqaannarsinnaapput – aamma piginnittut
nikikkaluarpata.

Inatsisitigut atuuffissaviit

Illoqarfiup ilaanut pilersaarut
kommunalbestyrelsemit inaarutaasumik
akuerineqareerpat tamanullu
saqqummiunneqareerpat nunaminertat, illuutit
sanaartukkallu illoqarfiup ilaanut pilersaarummi
ilaatinneqartut taamaallaat illoqarfiup ilaanut
pilersaarummi aalajangersakkat malillugit
atorneqarsinnaapput sanaartorfigineqarlutilluunniit.

Taamaattorli pisut ilaanni annikinnerussumik
sanioqqutsinikkut immikkut
akuersissuteqartoqarsinnaavoq. Annerusumik
sanioqqutsisoqassappat nutaamik illoqarfiup ilaanut
pilersaarusiortoqartariaqarpoq.

Aammattaaq nunaminertat, illuutit sanaartukkallu
pilersaarummi ilaatinneqartut
pilersinneqarnissaannik illoqarfiup ilaanut
pilersaarut namminermi nassataqanngilaq.

Nunaminertanik, illuutinik sanaartukanillu maanna
inatsisit malillugit atuineq maannamutut
ingerlaannarsinnaavoq.

Tamatuma ilaatigut kinguneraa nunaminertat, illuutit
sanaartukkallu inatsisit malillugit maannamutut
atorneqarnerisa ingerlaannarsinnaanera, tamatuma
akerlianik soorlu atuinerup allanngortinneqarnera
nutaamilluunniit sanaartorneq illoqarfiup ilaanut
pilersaarummut akerliussanani.

Oqallisigitinnera akuersissutigineqarneralu

Siunnersuut illoqarfiup ilaanut pilersaarut 1C12-6,
Aantuukasik, kommunimut pilersaarummut
tapiliussartalik nr. 10, tamanut oqallisissianngorlugu
saqqummiunneqarpoq piffissami 12. 09. 2007-imiit
24. 10. 2007-imut.

Nunamik pilersaarusiornermik
immikkoortortaqaqarfiup piffissap tusarniaaviusup
sapaatit akunnerini 12-ini
sivisussuseqartussaagaluarnera uparuarpaq,
illoqarfiup ilaanut pilersaarusiorniusup killeqarfia
aamma kommunimut pilersaarummi
killiliunneqartoq imminnut nallersuutinnginneri
pissutigalugu. Taamaakkaluartoq Nunamik
pilersaarusiornermik immikkoortortaqaqarfiup sapaatit
akunnerini arfinilinni tusarniaaneq akuerivaa,

immikkoortumut attuumassuteqartut
tusarniaaviusumi tusarneqarsimammata.

Tusarniaanerpup nalaani akerliliissutit oqaaseqaatillu
tallimat tiguneqarput.

Kommunalbestyrelsip illoqarfiup ilaanut pilersaarut
ulloq 19. november 2007-imi suliarivaa
siunnersuullu tamanut tusarniaassutigineqartoq
akuersissutigalugu saqqummiunneqartumut
sanilliullugu allannguuteqartinneqartoq imatut:

- Katuap centerertaassallu pilersaarummi
imminnut atasuussinnaanerinik allassimasooq
peerneqarpoq. Immikkoortup ilaa B
kommunip allaffissuata tungaanut
allineqarpoq Katuallu kangimut
allissutissaanut atugassanngortinneqarluni.
Nutaamilli illoqarfiup ilaanut
pilersaarutissatut siunnersuut
suliarineqassaaq alliliisoqassappat.
- Illoqarfiup ilaanut pilersaaruseriusup
aggulunneqarnera allanngortinneqarpoq.
- Katuap centerertaassallu ungasissusissaat
allanngortinneqarpoq aamma sanaartorfissiaq
A1-imi portussuseq 0,3 meterimik
ilaneqarluni.
- Aaqqissuinikkullu allannguutit allat
iluarsineqarlutik.

Illoqarfiup ilaanut pilersaarut www.nuuk.gl
iserfigalugu atuarneqarsinnaavoq imaluunniit
Nunatta Atuagaateqarfiani, kommunimi
saaffiginnittarfimmi, imaluunniit Teknikkimut
Avatangiisinullu Ingerlatsivimmut tlf. 34 74 30-mut
saaffiginninnikkut pissarsiarineqarsinnaalluni.

KOMMUNIMUT PILERSAARUMMUT TAPILIUSSAQ nr. 10

Nassuiaat

Kommunimut pilersaarummut tapiliussaq nr. 10 tassaavoq immikkoortumut killiliussamut 1C12-imut, Aqutsisoqarfik-mut tunngassuteqartoq.

Kommunimut pilersaarummut 2005-2014-imut tapiliussaq nr. 10 suliarineqarpoq illoqarfiup ilaanut pilersaarummut 1C12-6, Aantuukasik-imut peqatigitillugu, illoqarfiup ilaanut pilersaarut kommunimut pilersaarummut naapertuutinnginnera pissutigalugu, tassa illorsuarmik portusuumik, qummut killigitinneqartoq 4 meter-iusoq qaangerlugu sanaartornissamut periarfissiimmat.


Siunertaa

Kommunimut pilersaarummut tapiliussap nr. 10-p siunertarivaa 39 meterimik portugusumik sanaartornissamik periarfissiinissaq, taamaaliornikkut Centerimik sanaartornermut atatillugu aminnerusumik malunnaatilimmillu isikkulimmik illorsuarmik portussuumik sananissaq periarfissinniarlugu.

Illoqarfiup ilaanut 1C12-mut killiliussaq allangortinneqanngilaq.

Taamaattorli eqqaaneqassaaq kommunimut pilersaarummut tapiliussap nr. 4-p, Illoqarfiup Sukisaarsarfii, atuutilernerani Arsiffik illoqarfiup ilaanit 1C12-mit peerneqassammat.

SUMIIFFIK 1C12 AQUTSISOQARFIK



ATAATSIMoorUSSASSATUT SIUNERTAQARTUT

NUUMMI ILLOQARFIUP ILAA

SUMIIFFIK	1C12 – AQUTSISOQARFIK
Pissutsit pioreersut	Sumiiffimmi nunaminertat Aqqusinersuup illuttut illua' tungaaniittut Rådhusip eqqaaniittut, nunaminertat H.J. Rinksvejip Kuussuullu akornanniittut kiisalu nunaminertaq Indaleeqqap Aqqutaata kita' tungaaniittoq ilaatinneqarput. Sanaartukkat tassaapput Rådhusi, Namminersornerullutik Oqartussat allaffeqarfissuat, KANUKOKA, Katuaq kiisalu illut mikisut ataasiakkaat niuertarfittut, najugaqarfittut ilagiinnullu atorneqartut. H.J. Rinksvej aamma Indaleeqqap Aqqutaata atuarlugu ataasiakkaanik mikisunik niuertarfeqartiterpoq. Sumiiffik 10,1 ha-it misaanni annertussuseqarpoq.
Iluseq pingaarneq	Ilutsimi pingaarnermi sumiiffik ataatsimoorussassatut qitiusoqarfittullu siunertaqartunut tunniunneqarpoq. Illoqarfimmik nutarterinermeri eqiterinermilu immikkut ataatsimoorussassatut kulturimullu siunertaqartunik qitiusoqarfittut siunertaqartunik nutaanik sanaartornissamut inissaqartitsinissamut periarfissaqarpoq. Sumiiffiup atorneqarneranut naleqqussakkanik inissianik aamma inissaqartitsisoqarsinnaavoq. Katuap avannaa' tungaani nutaamik kulturimut siunertaqartunik qitiusoqarfiliormerimut niuertarfinnut pioreersunut taarsiutitut nunaminertat mikisut niuertarfeqqanut aamma inissaqartitsisoqassaaq. Illut B-2 aamma B-142 aammalu taakku avatangiisai immikkut eriagisariaqartutut toqqagaapput. Sumiiffik Arsiffik illoqarfimmi sammisassaqaqartitsivittut inissinneqassaaq.
Illoqarfiup ilaanut pilersaarusiormerimut aalajangersakkat Nunaminertanik atuineq Inittussuseq Sanaartukkat	Illoqarfiup ilaanut pilersaarusiormerimut killiliussat nalinginnaasut sumiiffimmut atuupput. Tamatuma saniatigut killiliussatut aalajangersakkat tullinnguuttut makku aalajangersarneqarput: Immikkoortup iluani aalajangersimasunut inissaqartitsisoqarsinnaavoq. Illoqarfimmik eqiterinermeri/nutaanik sanaartormerimut sanaartukkat annertunerpaaffimmikkut 30.000 m²-iussapput. Nutaamik sanaartortoqannginerani tamanna illoqarfiup ilaanut pilersaarusiormerimut aalajangersarneqassaaq. Sanaartuqaq 3-4-nik quleriinngorlugu sananeqassaaq. Namminersornerullutik Oqartussat allaffeqarfissuata pingaarnertut isaariaata tungaani nutaanik sanaartukkat aamma rådhusip allineqarnerani sanaartukkat portunerpaaffimmikkut qulingiluanik quleriuussapput. Sumiiffimmi nutaanik sanaartukkat illoqarfimmilu atortut imatut ilusilersorneqassapput Imaneq atuarlugu titarneq erseqqissarneqassalluni.
Illoqarfimmik nutarterineq ingitserinerlu	Illoqarfimmik nutarterinerimut atatillugu illut B-795, B-796, B-85, B-775, B-716, B-774 aammalu B-773 ingitserneqarsinnaasariaqarput qiterisaqarfimmi kulturimut tunngassutilinnut siunertanik pilersitsoqarsinnaaqqullugu taamatullu pisortat allaffissuanik nutaanngitsup isaterneqarneratigut taartissamik. Arsiffik illoqarfimmi sammisassanut atorneqassaaq.
Eriagisariallit ilisarnaataat	Illu B-2 eriagisariaqartutut taanneqarpoq. Rådhusi allineqassapput B- 31 ingitserneqartariaqarpoq. B-142 allanngutsaaliugaavoq. Illut B-2 aamma B-142 Nuutoqqami (§2-miittoq) nunaminertanut immikkut eriagisariaqartutut ilaatinneqarput.
Nunaminertat sanaartorfigeqqusaanngitsut nunallu ilisarnaataat	Nunaminertat sanaartorfigeqqusaanngitsut pitsanngorsaavigneqassapput, ingammik nunaminertat Kuussuup aamma H.J. Rinksvejip sinaaniittut paarilluarneqassapput, taamaalilluni kangerlummuk illoqarfiullu ungataani qaqqanut isikkivik taamaatsiinnarneqarlunilu ersarissarneqarluni.

Angallannermut teknikkimullu sanaartukkat	Illoqarfiup qeqqata Nuutoqqallu akornanni attaveqaat Kuussup isuani "nasittarfimmik" aamma majuartarfinnik pilersitsinikkut pitsanngorsaavigineqarusuppoq tamatumalu kingunerisaanik B-724 ingitserneqartariaqassaaq.
Avatangiisinut piumasaqaatit nunaminertallu piumasaqaatitaqarfiusut	Sumiiffimmi suliffinnik mingutsitsisunik pilersitsisoqarsinnaanngilaq, taamaattorli pisiniarfimmuut atatillugu pujoorivinnik, neqaarniarfinnik inuussutissanullu tunngasunik pilersitsisoqarsinnaalluni.
Immikkoortukkuutaarlugit allililerinerit	Immikkut piumasaqaatitaqanngilaq.

Siunissami killiliussanik aalajangersakkat

ATAATSIMORUSSASSATUT SIUNERTAQARTUT

NUUMMI ILLOQARFIUP ILAA

SUMIIFFIK	1C12 – AQUTSISOQARFIK
Pissutsit pioreersut	Sumiiffimmi nunaminertat Aqqusinersuup illuttut illua' tungaaniittut Rådhusip eqqaaniittut, nunaminertat H.J. Rinksvejip Kuussuullu akornanniittut kiisalu nunaminertaq Indaleeqqap Aqqutaata kitaá' tungaaniittoq ilaatinneqarput. Sanaartukkat tassaapput Rådhusi, Namminersornerullutik Oqartussat allaffeqarfissuat, KANUKOKA, Katuaq kiisalu illut mikisut ataasiakkaat niuertarfittut, najugaqarfittut ilagiinnullu atorneqartut. H.J. Rinksvej aamma Indaleeqqap Aqqutaa atuarlugu ataasiakkaanik mikisunik niuertarfeqartiterpoq. Sumiiffik 10,1 ha-it missaanni annertussuseqarpoq.
Iluseq pingaarneq	Ilutsimi pingaarnermi sumiiffik ataatsimoorussassatut qitiusoqarfittullu siunertaqartunut tunniunneqarpoq. Illoqarfimmik nutarterinermi eqiterinermilu qitiusoqarfittut siunertaqartunik nutaanik inissianillu sanaartornissamut inissaqartitsinissamut periarfissaqarpoq. Nutaanik sanaartukkat qiterisaqarfimmut siunertallit, pisiniarfiit ataatsimoortut neriniartarfiillu periarfissaqartinneqarput. Immikkoortullu atorneqarneranut tulluussakkanik inissiat ilanngunneqassapput. Illut B-2 aamma B-142 aammalu taakku avatangiisai immikkut eriagisariaqartutut toqqagaapput. Sumiiffik Arsiffik illoqarfimmi sammisassaqaqtitsivittut inissinneqassaaq. Immikkoortumi Katuap kangiatungaa Katuap allissutissaa akuerineqarsinnaavoq.
Illoqarfiup ilaanut pilersaarusiornermi aalajangersakkat Nunaminertanik atuineq Initussuseq Sanaartukkat	Illoqarfiup ilaanut pilersaarusiornermi killiliussat nalinginnaasut sumiiffimmut atuupput. Tamatuma saniatigut killiliussat aalajangersakkat tullinnguuttut makku aalajangersarneqarput: Immikkoortumi Katuap avannaani centerliortoqarsinnaavoq, qiterisaqarfimmut siunertalinnut, pisiniarfeqarfinnut immaqalu neriniartarfinnut. Immikkoortumi nunaminertamik annikitsumik pisiniarfeqarfiit mikinerusut ullumikkut immikkoortumeereersut inissaat naleqqussarneqassaaq. Immikkoortullu atorneqarneranut atatillugu inissiat aamma ilanngunneqarsinnaassapput. Immikkoortup iluani silami niuerfinnut aalajangersimasunut inissaqartitsisoqarsinnaavoq. Immikkoortumi Katuap kangiata tungaani Katupa allissutissaa akuerineqarsinnaavoq. Illoqarfimmik eqiterinermi/nutaanik sanaartornermi sanaartukkat annertunerpaaffimikkut 30.000 m²-iussapput. Nutaamik sanaartortoqannginerani tamanna illoqarfiup ilaanut pilersaarusiornermi aalajangersarneqassaaq. Sanaartugaq 2-3-nik quleriinngorlugu sananeqassaaq portunerusunillu napasuliartaqarsinnaallutik. Namminersornerullutik Oqartussat allaffeqarfissuata pingaarnertut isaariaata tungaani nutaanik sanaartukkat aamma rådhusip allineqarnerani sanaartukkat portunerpaaffimikkut qulingluanik quleriuussapput. Sumiiffimmi nutaanik sanaartukkat illoqarfimmilu atortut imatut ilusilersorneqassapput Imaneq atuarlugu titarneq erseqqissarneqassalluni. Katuap avannaa tungaani centerissamik sanaartornermut atatillugu

Illoqarfimmik nutarterineq ingitserinerlu	inissialiorneq quleriiaat 9 tikillugit pisinnaavoq, centerip quleriivi marluk qaavatigut. Illorsuup portusuup portussusissaa 39 meterimut killeqarpoq. Illoqarfimmik nutarterinerimut atatillugu illut B-795, B-796, B-85, B-775, B-716, B-774 aammalu B-773 ingitserneqarsinnaasariaqarput qiterisaqarfimmi kulturimut tunngassutilinnut siunertanik pilersitsisoqarsinnaaqullugu taamatullu pisortat allaffissuanik nutaanngitsup isaterneqarneratigut taartissamik.
Eriagisariallit ilisarnaataat	Arsiffik illoqarfimmi sammisassanut atorineqassaaq. Illu B-2 eriagisariaqartutut taanneqarpoq. Rådhusi allineqassapput B- 31 ingitserneqartariaqarpoq. B-142 allanngutsaaliugaavoq. Illut B-2 aamma B-142 Nuutoqqami (§2-miittoq) nunaminertanut immikkut eriagisariaqartunut ilaatinneqarput.
Nunaminertat sanaartorfigeqqusaanngitsut nunallu ilisarnaataat	Nunaminertat sanaartorfigeqqusaanngitsut pitsanngorsaavigineqassapput, ingammik nunaminertat Kuussuup aamma H.J. Rinksvejip sinaaniittut paarilluarneqassapput, taamaalilluni kangerlummumut illoqarfiullu ungataani qaqqanut isikkivik taamaatsiinnarneqarlunilu ersarissarneqarluni. Illoqarfiup qeqqata Nuutoqqallu akornanni attaveqaat Kuussup isuani "nasittarfimmik" aamma majuartarfinnik pilersitsinikkut pitsanngorsaavigineqarusuppoq tamatumalu kingunerisaanik B-796, B-85 aamma B-775 ingitserneqartariaqassapput.
Angallannerimut teknikkimullu sanaartukkat	Qiterisaqarfup Nuutoqqallu imminnut pitsaanerusumik atassuteqartinnissaat kissaatigineqarpoq, Kuussuup isuatigut nasiffiusinnaasumik kusanartunillu majuartarfeqarfiliornikkut, tamatuma kingunerissavaa B-724-p ingitserneqarsinnaanissaa.
Avatangiisinut piumasaqaatit nunaminertallu piumasaqaatitaqarfiusut	Sumiiffimmi suliffinnik mingutsitsisunik pilersitsisoqarsinnaanngilaq, taamaattorli pisiniarfimmumut atatillugu pujoorivinnik, neqaarniarfinnik inuussutissanullu tunngasunik pilersitsisoqarsinnaalluni.
Immikkoortukkuutaarlugit allililerinerit	Immikkut piumasaqaatitaqanngilaq.

AALAJANGERSAKKAT

Nunaminertat atorneqarnerat pilersaarusiornertallu pillugit Inatsisartut peqqussutaat nr. 6, 19. december 1986-imeersoq aamma Namminersornerullutik Oqartussat nalunaarutaat nr. 23, 18. november 1992-imeersoq kingornalu allanngortinneqartup naapertorlugit makkua aalajangersarneqarput.

Kommunalbestyrelsip matumuuna aalajangersakkat imaattut aalajangersarpai.

§ 1 Illoqarfiup ilaani pilersaarummi siunertat

Illoqarfiup ilaanut pilersaarummi siutarineqarpoq

- Nuup illoqarfiata qeqqata ineriartornissaata pilersaarusiorneqarneranut ilanngullugu qulakkeerniarlugu qulisamik niuertarfeqarfiliortoqarnissaa (center) tamakkiisumik naqqup atilimmik,
- Qulakkeerniarlugu centeriliornermut atasumik portusuumik inissianut atugassamik illorsualiortoqarsinnaanera.
- Qulakkeerniarlugu Katuaq-mi pisartut annertusarneqarnissaat aammalu filmertarfimmik, ataatsimeersuarfiusinnaasunik pikkorissarfiusinnaasunik kosalu niuernikkut inuussutissarsiuteqarnernik pilersitsinnaaneq.
- Qulakkeerniarlugu Aantuukasikissamut nutaamut atanilernissaa.
- Qulakkeerniarlugu Imaneq Kuussuup H.J. Rinksvej-illu akornaniittoq innuttaasunut eqeersimaartumik pisuinnarnut aqqutitut pissuseqalersinnissaa, ingerlaarfimmut Samuel Kleinschmidt-imiit H.J. Rinksvej ataneqartumik.

- Qulakkeerniarlugu Katuap saavata Namminersornerullutillu Oqartussat allaffeqarfiata isaariaata savata ammanerulersinneqarnissaat.
- Qulakkeerniarlugu Kommunimut Pilersaarutip siunertaata, H.J. Rinksvej-i atuarlugu Kangerlummumut isikkivigissuunissaata anguneqarnissa.
- Kommunimut Pilersaarutip siunertaata, Aqqaluks Pladsimiit Jagtvej-imi illorsualiat marluiit tungaannut aqquserngup Imanerup narlusuujutinnissaa malinniarlugu.
- Periarfissaqartitsiumalluni illut pioreersut ingitserneqarsinnaanerannut, taamaalilluni illoqarfiup ilaanut pilersaarutip siunertaata malinneqassammat.

§ 2 Illoqarfiup ilaanut pilersaarummi sumiiffiit agguataarinerillu

- 2.1 Illoqarfiup ilaanut pilersaarummi sumiiffik ilanngussami 1-imi takutinneqartutut killilerneqarpoq, 2,7 ha.-rillu missaani annertussuseqarluni.
- 2.2 Illoqarfiup ilaanut pilersaarut immikkoortup ilaanut A, B, C D-mullu ilanngussaq 1-imi takutinneqartutut agguataarneqarpoq.
- 2.3 Immikkoortup ilaani A-mi sanaartorfissamik nutaanik sisamanik A1, A2, A3, A4-mik taaguusikkat ilanngussaq 2-mi takutinneqartutut periarfissiisoqarpoq.

§ 3 Atuineq

Tamakkiisumik

- 3.1 Nunaminertap centeritut atorneqarnissaa ilanngussami 2-mi sanaartorfissat nalunaarsorneqarput, atorneqassallutillu niuertarfinnut, neriniartarfinnut taakkunungalu quit toqqorsiviit aamma sullissinermut atorneqarsinnaasut,

kulturikkut siunertanut, allaffiit, pisortat allaffeqarfii aammalu ineqarfittut.

- 3.2 Nunap iluani naqqup atiliortoqarsinnaavoq.
- 3.3 Qaliat naasusivittut sukisaarsartarfittullu atorineqarsinnaapput.
- 3.4 Illoqarfiup ilaanut pilersaarutip siunertaa naammassineqassappat illut B-85,B-716,B-773,B-774,B-775 aamma B-795 ingitserneqartariaqarput, soorlu ilanngussami 1-mi nalunaarsorneqartoq.

Immikkoortoq A

- 3.5 Quleriit allersaat taamaallaat niuertarfinnut neriniartarfinnullu taakkunungalu ininut kiffartuussinernut ingerlatsinernullu tunngasunut atorineqarsinnaavoq.
- 3.6 Sanaartorfissiaq A1 centeriliornermut il.il. atorineqassaat, soolu § 3.1.-imi taaneqartutut.
- 3.7 Qulisaq tamatut ittoq akuerineqarsinnaavoq siunertarineqarpat Katuami pisartut annertusarneqarnissaat, soorlu filmertarfik aamma/imaluunniit ataatsimiittarfiit.
- 3.8 Sanaartorfissami A3-mi portusuumik illuliassap quleriit suillianni inissialiortoqarsinnaavoq aammalu centerimi sulisunut kiffartuussiviit taakkunungalu atorineqarsinnaasut allat. Taakku saniatigut portusuumik illuliaq taamaallaat inissiatut atorineqassaaq, taamaallaallu sanaartorfissamik 3-mi, soorlu ilanngussami 2-mi takutinneqartoq.
- 3.9 Sanaartorfissap A4-p iluani Katuamut katigutissaq marlunnik quleriilik sananeqarsinnaavoq.
- 3.10 Niuertarfinnut neriniartarfinnullu atatillugu pujoorivimmik neqileriffimmillu aamma/imaluunniit taakkununga assingusunik pilersitsisoqarsinnaavoq.

Immikkoortoq B

- 3.11 Immikkoortoq B Katuap kujammukangimut allissutissaanut inniminnerneqarpoq, tassa ilanngussami 2-mi takutinneqartumi. Katuag allineqassappat nutaamik illoqarfiup ilaanut pilersaarusiortoqartariaqassaaq.

Immikkoortut C og D

- 3.12 Immikkoortut C aamma D silami nioqquteqartarfittut, illoqannginnersatut assigisaannullu atorineqartussiaapput, sanaartorfigineqarsinnaanatillu, taamaattoq ataavanngitsunik piiartartunillu tuniniaavinnik nappaasoqarsinnaalluni.
- 3.13 Piffinni taakkunani marlunni allanngortitiginerit, kusassaanerit assigisaallu, Imanerup narlusooraa ilusilersorneralu mianeralugit Nuup Kommunealu suleqatigalugu pissaaq.
- 3.14 Immikkoortup ilaa C-p kujataata tungaa Kanukoka-p kisimi atorsinnaasaanut biilinit uninngasarfittut atugassanngortinneqarsinnaavoq

Illoqarfiup ilaanut pilersaarummi immikkoortunut killeqarfiit

- 3.15 Illoqarfiup ilaanut pilersaarummi immikkoortoq G, ilanngussami 2-mi takutinneqartoq, pisuinnaat aqquataannut inniminngaavoq, sanaartorfigineqarnissaalu inerteqqutaavoq. Taamaattoq ataavanngitsunik piiartarnillu tuniniaavinnik nappaasoqarsinnaavoq.
- 3.16 Illoqarfiup ilaanut pilersaarutip immikkoortuani Z, ilanngussami 2-imi takutinneqartumi, taamaallaat biilinit uningavissianik pulaffissianullu atorineqarsinnaavoq. Tassani nioqqutissanut tigooravinnut naqqullu ataanut pulaarissami qulisaliortoqarsinnaavoq.

§ 4 Aqquserngit pisuffissianullu tunngasut

- 4.1 Kikkulluunniit tikissinnaasaat tamarmik pitsorluttunut qamutinillu issiavilinnut tikikkuminartuussaaput takuuk §6.8.
- 4.2 Illoqarfiup ilaanut pilersaarutip immikkoortuani G-mi, ilanngussami 2-mi takutinneqartoq, pisuinnaat aqqutaannut inniminnigaavoq. Biilerfioqqusaananilu biilinit uningavigeqqusaanani.
- 4.3 Illoqarfiup ilaanut pilersaarutip immikkoortua Z, ilanngussami 2-mi takutinneqartoq, biilinit ingerlavissiatut uningavissatullu inniminnigaavoq.
- 4.4 Pisinianut piffik biilerluni H.J. Rinksvej-immi aamma Kuussuarmiit Illoqarfiup ilaanut pilersaarutip immikkoortua Z tikinneqarsinnaassaaq, soorlu ilanngussami 2-mi takutinneqartoq.
- 4.5 Nioqqutissanik assartuilluni pajuttut H.J. Rinksvej-imiit Illoqarfiup ilaanut pilersaarutip immikkoortua Z tikinneqarsinnaassaaq, soorlu ilanngussami 2-mi takutinneqartoq.
- 4.6 Biilinit uningavissiat pisariaqartinneqartut Illoqarfiup ilaanut pilersaarutip immikkoortuini taakkununga inniminnikkani pilersinneqassapput, taakkua aamma nunap iluani, naqqup ataani, pilersinneqarsinnaapput.
- 4.7 Biilinit uningavissiaq ima amerlatigisut pilersinneqassapput: - uningavissiaq ataaseq ineqarfimmut ataatsimut.
- niuertarfiit, allaffiit, neriniartarfiit assigisallu 50 m²-imut uningavissiaq ataaseq.
- Niuertarfiit nerisassaarniarfiit, filmertarfik ataatsimiittarfiillu 25 m²-mut uningavissiaq ataaseq.

§ 5 Sanaartukkap annertussusaa inissinneqarneralu

- 5.1 Sanaartugassat taamaallaat sanaartorneqarsinnaapput sanaartorfissat iluanni, soorlu ilanngussami 2-mi takutinneqartoq. Taamaattoq quit minnerusut qulisallu sananeqarsinnaapput nioqqutissanik assartuinernut, biilinit uningavissianut assigisaannullu attuumassutilit.
- 5.2 Sanaartugassap annertussusaa 24.700 etage kvadratmiiterinit killilerneqarpoq, sanaartorfik katillugu 6.300 kvadratmiiteriuvoq imatullu agguataagaalluni:
- Centerissamut:
11.900 kvadratmiiterit miss.
- Illorsuaq ineqarfiususaaq:
5.000 kvadratmiiterit miss.
- Naaqqup ataa quleriinni marlunni:
7.800 kvadratmiiterit miss.
- 5.3 Sanaartugassap portunerpaaffissai ilanngussami 2-mi nalunaarsorneqarput, taamalu aamma matumap ataatingaani. Sanaassap ullumikkut Imanermi sanaartukkat alliit pissusiinut nallersuutissapput.
- Sanaartorfissaq A1: Nunamiit illup qaliata sinaanut uuttorlugu kipkote 34,8 portussusaa 13 meter.
- Sanaartorfissaq A2: Nunamiit illup qaliata sinaanut uuttorlugu kipkote 61,3 tassalu 39 meteritut portussusilik.
- Sanaartorfissaq B1: Nunamiit illup qaliata sinaanut uuttorlugu kipkote 32 portussusaa 10 meter
- 5.4 Sanaartugassap saqqaa sanaartorfissamut killiliussaq malillugu sananeqassaaq, pisuinnaat aqqutaat Imaneq sammissallugu, Katuallu saqaata portoqataaniq portussuseqassalluni.

- 5.5 Teknikkikkut atortut soorlu sakkortusaaviit assigisaallu, sanaartofissap A1-p iluanut inissinneqassapput, sanaartukkamullu tulluarsagaassallutik.
- 5.6 Sanaartorfissami, ilanngussami 2-mi A4-mik taagusikkami, Katuamut ataniliisoqarsinnaavoq, Katuap susassaqrarfiinut atasussamik, aammalu kulturikkut allaffissornikkullu pisartussanut aqquataasinnaasussamik. Ataniliussaq tulluartautinneqassaaq takujuminartuulluni, Katuallu sananeqaataanut isikkuanullu naapertuutissalluni.
- 5.7 Inissiaqrarfiup quleriivisa pingajuanniit qummut, sanaartorfissap killinganiit, iikkap silataagut aningaaniusar annerpaamik 0,5 miiterit akuerineqarsinnaapput.
- 5.8 Inissani, sanaartorfissap killingata avataatigut, aneerasaartarfiit itissutsimikkut 1,5 miiterit akuerineqarsinnaapput.
- 5.9 Ikuallattoqarnera qimaaffissiat ammasut assigisaallu pisuinnaat aqquataanut sammitinneqassanngillat.

§ 6 Sanaartugassap silataaniit isikkussaa

- 6.1 Illoqarfiup ilaanut pilersaarutit iluani sanaassaq qalipaasorsorneqarnermigut, ilusissamisut aammalu atortussatigut tamakkiisoq isigalugu takujuminartuussaaq. Inaarutaasumik iikkanut qallersuutissat aammalu atortoriniakkat tamarmik Nuup Kommuneanut akuerisassanngorlugit takutinneqartassapput.
- 6.2 Sumiiffimmi sanaassaq qaamasunik qallersorneqassaaq, soorlu igalaatut pissusilinnik, qisunnik, saviminiusamik, nunalluunniit ujaraanik.
- 6.3 Saqqaa alleq Imanermut sammisoq igalaaqarnerussaaq nioqqutissanik nittarteriviusunik.

- 6.4 Niuertarfiit Imanermut sammisut alliit igalaajutinneqassapput, minnerpaamik saqqaata 80%-ia igalaajutinneqassapput.
- 6.5 Niuertarfiit igalaaavi assiaquttanik matoorneqaaqqusaanngillat. Sammivinnut allanut sammisut igalaasartuunik illersuuserneqarsinnaapput.
- 6.6 Piffimmi sanaassat qaliaasa uinganeri 7 - 25%-iussapput. Qaliani aneerasaartarfiisooqarsinnaavoq.
- 6.7 Sananeqartut quleriivisa allersaani pisinianut isaariaq/isertarfik pingarneq qaffanneqarani nuna portoqatigissavaa
- 6.8 Majuarterfiit qulisallu illumut attuumassapput.
- 6.9 Silataani allagartalersuutissaq suliffeqarfinnut illumiittunut taamaallaat tunngatinneqassaaq.
- 6.10 Allagartaliussat ataavartut taamaallaat suliffeqarfiup aqqanik sulerineranillu imaqartinneqassapput.
- 6.11 Allagartaliussat ataavartut illuliat ilusaannut isikkuanullu tulluarsagaassapput.
- 6.12 Igalaat silataanni saaguusat, igalaallu qulaannuinnaq killittussat imusinnaasuusariaqarput.
- 6.13 Quleruaasaasinnaasut illup sananeqaataanut tulluarsagaassapput.
- 6.14 Illoqarfiup ilaanut pilersaarummi sananeqartut silataat qullernik sakkortusakkanik assigisaannilluunniit pilersorneqaaqqusaanngillat.
- 6.15 Silaannarissarfiit assigisaallu illumut atasuussapput.
- 6.16 Teknikkimut atortorissaarutaasinnaasut illup qalianiittut matoortitigaassapput, illullu isikkuanut tulluarsagaassallutik.

§ 7 Teknikkimut atortut

- 7.1 Sanaartukkat tamarmik pisortat eqqakkanut kuufiutaannut imermullu attavilerneqassapput.
- 7.2 Kuuffiit, innaallagissamut attaveqaatit aammalu imermut aqquutit tamarmik nunap iluani matuukkaniissapput.
- 7.3 Ledninginut assigisaannullu allannngortiterinerit nutaaliorterillu ledninginik piginnittut isumasioqatigalugit pisassaaq.
- 7.4 Imeq atoriigaq kuffissuartigoortinneqassaaq. Sialuk apulluunniit aattoq kuuffissuartigooreqqusaanngilaq, aqquutissiuunneqarlunili eqqaamiunut, aqqusinernut, pisuffissianut, sanaarfiunngitsunut assigisaannulluunniit akornutaa-sinnaajunnaarlugu, soorlu aqquserngit sinaanni kuuffinnut aqquutissiuullugu.
- 7.5 Nutaamik illuliaq innaallagiaq atorlugu imaluunniit avatangiisinut mingutsitsinngitsunik, soorlu seqinermut kiassaateqarfinniilluunni kiassagaassaaq.
- 7.6 Aqqusinerni, biilit uningasarfiini aammalu pisuffissiani qulliit ataasiakkaarlutik napasuussaput. Qullilersuinerit Nuup Kommuneanit akuersissutigineqassapput.
- 7.7 Antennit silamiittut, parabolit, antennit napasui assigisaallu iikkani silataaniittuni, illup isuini imaluunniit qaliaanni pisuinnaat aqqutaanniit ersittumut inisseqqusaanngillat.
- 7.8 Teknikkikkut atortut, soorlu innaallagissamut sakkortusaaviit atorfissaqartitsineq malillugu pilersinneqarsinnaapput, Nukissiorfiit isumasioqatigalugit.
- 7.9 Eqqagassanik immikkoortiterinerit sutigut tamatigut Nuup Kommuneata eqqagassanut maleruqqusaa malillugu pisassaaq.

§ 8 Nunaminertat sanaartorfiunngitsut

- 8.1 Nunaminertat Imanerup sinaaniittut aamalu Katuap centeriliassallu saavi pisuinnarnut aqqusinertut ataavannngitsumillu niuerfittut immikkoortinneqarput.
- 8.2 Kommunalbestyrelsip akuersissutigisimasaa naapertorlugu Kommunimullu Pilersaarutip ilaaniittoq piviusunngortinniarlugu, sanaffissap avannaata tungaa, H.J. Rinksvej sinerlugu "aqut isikkigivissoq" pilersinniarneqarpoq. Pilersinniarneqartup ilamernga, Centerissamut atatillugu, biilnut sivikitsumik uninngasussanut uningavissatut immikkoortinneqassaaq.
- 8.3 Sanaartornerup nalaani nunaminertanik illuliorfigineqanngitsunik, nunagissarnikunik, aqqusinermi atortunik allanilluunniit innarliisoqarsimappat, innarlikkat iluarsineqassapput. Sanaarfigissaanerup sananerullu nalaani nuna sapinngisamik innarlernaveersaarneqassaaq. Nuna innarligaq sanarfineqar-tussaannngitsaq, ilusaatut ilillu iluarsarneqassaaq, qaartiternerlukullu qaartiterinikkut qaarterikkalluunniit assartornerini pisimappat.
- 8.4 Nunaminertat illuliorfigineqanngitsut sunilluunniit sivisuumik uningasussanik ilioqqaavigeqqusaanngillat, Nuup Kommuneanit ilioqqaavissatut assiaqutsikkatut akuersissuteqartoqar-simanngippat.
- 8.5 Sanaartugassap isikkorissuunissaanut ilaatillugu torrersumik eqqaanilu ineqartunut akornutaanngitsumik assiaqutsikkamik atortussanik eqqagassanillu assartuineq uningatitsinerlu pissaassaaq.

§ 9 Atortut ataatsimoorussat

- 9.1 Pinngitsaaliilluni sanaartukkanik pioreersunik immikkoortup ilaani A-miittunik piiaanermi aningaasartuutit nunaminertamik atuinissamut akuersissuteqartut akornanni agguarnissaanut immikkut akiliuteqarnissamut maleruagassaliornikkut.
- 9.2 Ledningit allanngorlugit inissineqarnissaat imaluunniit ledninginik nutaanik ikkussuinissat sanaartortussamut akiligassanngortinneqassapput tamannalu ledninginik piginnittoq isumaqatigalugu pissaaq.
- 9.3 Nutaamik sanaartornermi Imaneq suliarineqassaaq (killeqarfik G ilanngussaq 2-mi). Tamatumani pineqarput aqqusinernik qallersuinerit, qullilersuinerit tamatumalu pequsersorlugu atortulersornissaa. Ilusilersuinerit Nuup Kommunea suleqatigalugu pissaaq, aningaasartuutissallu immikkoortumi pineqartumi sanasussamut akiligassanngortinneqassapput.

§ 10 Avatangiisinut tunngasut

- 10.1 Nutaamik sanaartornermi eqqagassanut, ulluinnarni eqqakkanut eqqakkanullu angisuunut uninngatitsivinnik pilersitsoqassaaq, eqqagassanut maleruagqusat malillugit immikkortiterneqartartussanik.
- 10.2 Eqqakkanut immikkoortiterivik aammalu eqqaaveqarfik illup iluanut inissineqassaaq, imaluunniit eqqaaveqarfimmi assiaqutsikkami.
- 10.3 Assiaqutsikkat avataani containerinik inissiisoqagqusaanngilaq.
- 10.4 Eqqaaveqarfiit imaarneqartarnissaat pillugu akornguteqanngitsumik tikinneqarsinnaasumut inissineqassapput, aputaajaaneqartassalluni

arlaanniilluunniit
akornutaasussaarullugu.

§ 11 Piginnittut peqatigiiffiat

- 11.1 Illoqarfiup ilaanut pilersaarummi nutaamik sanaartugassat pillugit ataatsimoorussanik soqutigisaqartut peqatigiiffiliussapput.
- 11.2 Illoqarfiup ilaanut pilersaarummi sanaffiusussamiittut, inuussitissarsiutinik ingerlatalittut piginnittut aammalu inissianik pigisaqartut piginnittut peqatigiiffianni ilaasortaassapput.
- 11.3 Piginnittut peqatigiiffiat pilersinneqassaaq pinngitsoornani piginnittutut ilaasortaasussat affaasa tamanna piumasarippassuk, kingusinnerpaamilli Illoqarfiup ilaanut pilersaarummi inissiat/niuertarfiit iserterfigineqareerata.
- 11.4 Peqatigiiffiup saaliineq aserfallatsaaliuinerlu (matumani aamma ukiuunerani suliassat), ataatsimoorussamik biilnut uningasarfiit, aqquserngit pisuffissiat illullu eqqai Illoqarfiup ilaanut pilersaarutip iluaniittut, isumagisassavai.
- 11.5 Peqatigiiffiup ingerlaavartumik Nuup Kommunea ilisimatittassavaa, sumi angerlarsimaffeqarnerluni.

§ 12 Nutaamik sanaartukkap atorneqalersinnaaneranut piumasaqaatit

- 12.1 Nutaamik sanaartugaq atorneqalersinnaanngilaq § 4.7-imi biilnut uninngaasarfiit piumasarineqartut pilerseqqaartinnagit.
- 12.2 Nutaamik sanaartugaq atorneqalersinnaanngilaq pisortat kuuffiutaannut imermullu attavilerneqartinnani.
- 12.3 Nutaamik sanaartugaq atorneqagqusaanngilaq § 8.3-mi piumasaqaatit naammasseqqaartinnagit.

- 12.4 Nutaamik sanaartugaq
atorneqalersinnaangilaq Nuup
Kommuneanut, aningaasat Imanermut
nunaminertanullu ammasunut
pilersaarutitut atugassat
immikkoorteqqartinnagit
isumaqatigiittoqarqaartinnagulu.

§ 13 Illoqarfiup ilaanut pilersaarutit atorunnaarsitsineq

- 13.1 Matumuuna sumiiffimmi tassani
Illoqarfiup ilaanut pilersaarutit 1C12-1
aamma 1C12-2 atorunnaarsinneqarput,
taakkunani aalajangersakkt uumap
Illoqarfiup ilaanut pilersaarummi
aammalu pilersaarutaagaluit
taaneqartut iluini assigiittoqaraangat.

AKUERSISSUTEQARNERMUT UPPERNARSAAT

Inaarutaasumik akuersissut

Nuup Kommuneani kommunalbestyrelsip ulloq 19. november 2007-imi
Illoqarfiup ilaanut pilersaarut 1C12-6, Aantuukasik, Kommunimut
pilersaarummut tapiliussaq nr. 10 ilanngullugu, akuerivaa.

Nuup Kommunea, ulloq

Nikolaj Heinrich
Borgmesteri


/

Kim Hvistendahl
Allaffissornermi pisortaaneq

Kalaallit Nunaanni Naalakkersuisut Kommunimut pilersaarummut tapiliussaq
nr. 10 matumuuna akuerivaat.

Nuuk, ulloq


Illoqarfiup ilaanut pilersaarut 1C12-6, Aantuukasik, Kommunimut
pilersaarummut tapiliussaq nr. 10-mik ilalik inaarutaasumik
akuersissutigineqartutut tamanut saqqummiunneqarpoq ulloq _____



Ilanngussaq 1/Bilag nr 1, **Pissuitsit pioreersut - Immikkootortap** **Eksisterende forhold - Områdeinddeling**

Ulloq / Dato: Marts 2008
 J. nr. : 16.04. 1C12-6
 Skala: 1:1000 (printet i A3)
 Sull. / Sagsbeh. : TIHA / VIKO

- Illoqarfiup ilaanut pilersaarusiortup/Lokalplansgrænse
- Immikkootortap killinga/Delområdegrænse
- B Immikkootortap taaguutaa/Delområde



Ilanngussaq 2/Bilag nr 2

Sanaartorfissiat

Byggefelter og lokalplanzoner

Ulloq / Dato: Marts 2008

J. nr. : 16.04. 1C12-6

Skala: 1:1000 (printet i A3)

Sull. / Sagsbeh. : TIHA / VIKO



FORVALTNING FOR TEKNIK OG MILJØ
BYPLANAFDELINGEN

Illoqarfiup ilaanut pilersaarusiortuup/Lokalplansgrænse



Sanaartorfissiat A1; quleriit marluk annerpaamik 13 meterit.
Byggefelt A1; 2 etager maks.13 meter.



Sanaartorfissiat A2; quleriit 2 + 9 annerpaamik 39 meterit.
Byggefelt A2; 2 + 9 etager maks. 39 meter.




Sanaartorfissiat B1; quleriit marluk annerpaamik 10 meterit.
Byggefelt B1; 2 etager maks. 10 meter.



Killeqarfik Z, aqummut biilinullu uninngassarfinnut killeqarfik.
Zone Z, tilkørsels- og parkeringszone.



Killeqarfik G, Imaneq/pisuinnaat aqquaat.
Zone G, Imaneq/gågade.



Ilanngussaq 3/Bilag nr 3 **Pilersaarusiarnut titartagaq** **Illustrationsplan**

Ulloq / Dato: Marts 2008

J. nr. : 16.04. 1C12-6

Skala: 1:1000 (printet i A3)

Sull. / Sagsbeh. : TIHA / VIKO



FORVALTNING FOR TEKNIK OG MILJØ
BYPLANAFDELINGEN

Bilag nr. 4

Skyggediagrammer



23. september kl. 9




23. september kl. 12



23. september kl. 16

Jævndøgn, 23. September: sol op 7.05 - Sol ned 19.33



15. november kl. 9



15. november kl. 12




15. november kl. 16

November, 15. November: sol op 9.14 - sol ned 15.10



21. marts kl. 9




21. marts kl. 12




21. marts kl. 16


Jævndøgn, 21. Marts: sol op 6.25 - sol ned 18.44



21. juni kl. 9



21. juni kl. 12



21. juni kl. 16

Juni, 21. Juni: sol op 2.53 - sol ned 00.04